

Koraci naprijed

Koraci naprijed za unapređenje stanja privatnog šumoposjeda i certificiranje privatnih šuma u BiH su:

- ✓ Promovisanje koristi PEFC standarda/certificiranja strateškim komuniciranjem,
- ✓ Informisanje ključnih zainteresovanih strana, a posebno privatnih šumoposjednika, o mogućnostima i prednostima PEFC certifikacije,
- ✓ Uspostavljanje i ažuriranje baze privatnih šumoposjednika sa njihovim kontakt informacijama,
- ✓ Uspostavljanje informacionog sistema u sektoru privatnih šuma,
- ✓ Zagovaranje povećane finansijske i tehničke podrške za primjenu PEFC standarda/certificiranja privatnih šuma kod donosioca odluka,
- ✓ Osiguranje finansijskih sredstava za provođenje certificiranja privatnih šuma u BiH,
- ✓ Uključivanje svih relevantnih institucija i organizacija u rješavanje imovinsko-pravnih odnosa,
- ✓ Lobiranje za usvajanje/ažuriranje Zakona o šumama u FBiH i RS sa amandmanima u cilju smanjivanja troškova i administrativnih zahtjeva u gospodarenju privatnim šumama,
- ✓ Jačanje kapaciteta udruženja privatnih šumoposjednika,
- ✓ Podizanje svijesti o značaju privatnih šuma i certificiranja među zainteresovanim stranama uključujući javna preduzeća šumarstva i javnu šumarsku administraciju.



Kontakt

informacije

Ovaj letak izrađen je u okviru projekta "Promocija PEFC standarda kroz umrežavanje nevladinih organizacija i promociju održivog gospodarenja privatnim šumama u Bosni i Hercegovini" od strane projektnih partnera:

- Udruženje privatnih vlasnika šuma "NAŠA ŠUMA" Čelinac
- Asocijacija privatnih šumoposjednika Srednjobosanskog kantona
- Inicijativa za održivi razvoj - IKOR
- Inicijativa za šumarstvo i okoliš - FEA.

Pozivamo sve zainteresovane strane, uključujući privatne šumoposjednike, predstavnike drvne industrije, lokalnih zajednica i nevladinih organizacija da podrže primjenu PEFC standarda kroz certificiranje privatnih šuma u BiH. Vizija koju slijedimo je jasna - osigurati da naši šumski resursi ostanu i budu u budućnosti katalizator za ekološku ravnotežu, društvenu stabilnost i ekonomski prosperitet.

Više informacija o projektu "Promocija PEFC standarda kroz umrežavanje nevladinih organizacija i promociju održivog gospodarenja privatnim šumama u Bosni i Hercegovini" saznajte na:

www.pefc.ba

Ovaj letak je izrađen uz podršku projekta „Misli o prirodi!“ koji implementira Centar za promociju civilnog društva, a finansijski podržava Švedska. Sadržaj letka je isključiva odgovornost partnera u projektu, Udruženja privatnih vlasnika šuma "NAŠA ŠUMA" Čelinac, Asocijacije privatnih šumoposjednika Srednjobosanskog kantona, Inicijative za šumarstvo i okoliš - FEA i Inicijative za kvalitet i održivi razvoj - IKOR i ne odražava nužno stavove Centra za promociju civilnog društva i Švedske.



PEFC standardi/ certificiranje u Bosni i Hercegovini

Oblikovanje puta za održivu
budućnost privatnih šuma

Privatne šume u BiH - značaj i izazovi


Privatne šume u Bosni i Hercegovini (BiH) predstavljaju vrijedan prirodni resurs koji zauzima preko 20% ukupne površine šuma i šumskog zemljišta. Uprkos činjenici da zauzimaju više od jedne petine ukupne površine šuma i šumskog zemljišta, privatne šume su često zanemarene od strane privatnih šumoposjednika i javne šumarske administracije.

Neorganizovanost u udruženja, fragmentisanost šumskih posjeda i nedovoljna informisanost o mogućnostima korištenja privatnih šuma od strane privatnih šumoposjednika s jedne strane, zajedno s nedostatkom inicijative za poboljšanje stanja privatnih šuma od strane javne šumarske administracije s druge strane, samo su neke od prepreka za unapređenje gospodarenja privatnim šumama u BiH koje one zaslužuju.



Certificiranje privatnih šuma

Certificiranje šuma je mehanizam za promociju održivog gospodarenja šumama i osigurava da proizvodi dobijeni iz šuma koji dolaze na tržište potiču iz šuma kojima se održivo gospodari.



Certificiranje privatnih šuma obezbjeđuje brojne koristi kao što su: povećanje zaposlenosti na "zelenim" poslovima, razvoj ruralnih područja i pozicioniranje lokalnih drvoprerađivača na međunarodnom tržištu, uz potencijalno ostvarenje veće prodajne cijene za privatnog šumoposjednika. Proces certificiranja privatnih šuma put je ka održivom gospodarenju privatnim šumama u BiH. Nasuprot tome, nedostatak certifikata ograničava mogućnosti za kreiranje novih lanaca vrijednosti.

Privatni šumoposjednici u BiH prepoznali su potrebu za certificiranjem privatnih šuma i preko Udruženja privatnih šumovlasnika "Naša Šuma" Čelinac pokrenuli niz aktivnosti koje su 01.06.2021. godine rezultirale usvajanjem nacionalnih PEFC (Programme for the Endorsement of Forest Certification - Program za promoviranje certificiranja šuma) standarda za održivo gospodarenje šumama.

Trenutni pokretači i prepreke za certificiranje privatnih šuma

U okviru projekta "Promocija PEFC standarda kroz umrežavanje nevladinih organizacija i promociju održivog gospodarenja privatnim šumama u Bosni i Hercegovini" provedeno je istraživanje o upoznatosti privatnih šumoposjednika sa PEFC standardima/certificiranjem na području BiH. U istraživanju je učestvovalo 210 privatnih šumoposjednika iz 56 općina u BiH.

Pokretači

Rezultati istraživanja pokazuju da bi većina ispitanika (75,7%) željela da je njihova šuma certificirana uz poštivanje PEFC standarda. Kao razlozi su navedeni sljedeći razlozi:

- postizanje bolje cijene na tržištu,
- ispunjenje normativa i međunarodnih standarda,
- olakšanje procesa gospodarenja,
- povezivanje privatnih šumoposjednika u interesne asocijacije,
- verifikacija održivog pristupa u gospodarenju šumama.

Prepreke

Kao prepreke za provođenje procesa certificiranja ispitanici su prepoznali:

- nedostatak informacija o procesu (41,9%),
- nedostatak znanja (37,6%),
- nedostatak finansijskih sredstava (36,7%),
- nedostatak zajedničkih inicijativa za certificiranje od strane udruženja privatnih šumoposjednika,
- nedostatak savjetodavne službe (25,2%),
- veličina posjeda (25,7%),
- administrativne prepreke (10,5%).

Više detalja u vezi sa rezultatima provedenog istraživanja može se pronaći u **Brošuri o upoznatosti privatnih šumoposjednika sa PEFC standardima/certificiranjem u Bosni i Hercegovini.**